


Atrioventricular Septal Defect – E feletseng



Setshwantsho:

1. Atrial septal defect. Mofuta wa primum.
2. Inlet (type III) ventricular septal defect.
3. Cleft le ho se bopehe hantle ha balofo ya tricuspid.
4. Cleft le ho se bopeheh hantle ha balofo ya mitral.

Tlhaloso:

Ke eng?

Atrioventricular Septal Defect ke bothata ba pelo moo karolo e mahareng ya pelo e leng siyo. Ka lebaka la sena ho na le lesoba pakeng tsa atria (1) (diphaposi tsa kgateello e tlase) hape le lesoba pakeng tsa diventricle (2) (dipompo tsa kgateello e hodimo), dibalofo tse arolang diphaposi tsa pelo le tsona ha di a tlwaeleha mme kgafetsa di a dutla (3 and 4). Hape ho ka nna ha eba le balofo e le nngwe bakeng sa ho ba le tse pedi. Ka lebaka la masoba le dibalofo tse sa tlwaelehang madi a ka phallela tseleng e fosahetseng, jwalo ka ha kgateello e le hodimo lehlakoreng le letshehadi e phallela ho tswa ho le letshehadi ho ya ho le letona.

Atrioventricular Septal Defect, hangata e hlahella mmoho le Down Syndrome, mme nako le nako e hlahella le dikgolofalo tse ding tsa pelo tse kang Tetralogy of Fallot.

Ditlamorao tsa yona ke dife?

Ditlamorao di tswa feela ka boholo le sebaka seo masoba a leng ho sona. Ha lesoba le le leholo jwale madi a mangata a phalla ho tswa lehlakoreng le letshehadi ho ya ho le letona, madi ana a fetang tekano matshwafong a baka hore pelo e be le mosebetsi o mongata mme e ka kgathala – ho hloleha ha pelo. Hape ho senya le matshwafo ho bake le dikgatello tse phahameng ka hara matshwafo. Mathata ana a baka hore ngwana a heme ka potlako, a kgohlole, a be le bothata ba ho ja, a kgathale kapele mme hangata ngwana ha a hole hantle ebile ha a none.

E alafuwa jwang?

Ha lesoba le le leholo mme le baka mathata le hloka ho kwalwa. Meriana e meng e teng e ka nowang ho thusa hore pelo e kgone ho jara mesebetsi e eketsehileng, meriana ena ha e kwale lesoba.

Lesoba le ka kwalwa feela ka oporeishene. Nakong ya oporeishene ho rokellwa petjhe lesobeng ho le kwala, dibalofo jwale di a lokiswa ho leka ho thibela ho dutla ka hohlehohle.